

## Sakspapir

Saksbehandlar	Arkiv	ArkivsakID
Roald Kvingedal	FA - U43	17/396

Saknr	Utval	Type	Dato
007/2017	Teknisk utval	PS	25.04.2017

### Høringsuttale - søknad om utviding av anlegg for oppdrett for oppdrett av matfisk av laks og aure lokalitet Laberget.

#### Vedlegg:

Journalposttittel	Dato
Engesund Fiskeoppdrett AS - Søknad om løyve til utviding av anlegg for oppdrett av matfisk av laks og aure på lokalitet 34657 Laberget i Masfjorden kommune - del 2	22.03.2017
Engesund Fiskeoppdrett AS - Søknad om løyve til utviding av anlegg for oppdrett av matfisk av laks og aure på lokalitet 34657 Laberget i Masfjorden kommune - del 1	22.03.2017
Søknadsbrev_signert	22.03.2017
Søknadsskjema_signert	22.03.2017
Varsling Beredskaps plan Ladeberget 2014-1	22.03.2017
50000 kartvedlegg	22.03.2017
Avfallsplan	22.03.2017
Beredskapsplan uvær	22.03.2017
Kartvedlegg	18.04.2017
resultset_91_453_vedlegg1.pdf	29.03.2017
resultset_91_465_vedlegg1.pdf	10.04.2017
Tillatelse til utviding av anlegg for oppdrett av laks og aure - lokalitet 34657 - Laberget - Masfjorden kommune - Hordaland fylke	18.04.2017
Kartvedlegg	18.04.2017

#### Rådmannen sitt framlegg til vedtak:

Masfjorden kommune har ingen merknad til søknaden om å auke produksjonen fra 780 tonn til 2340 tonn MTB på lokalitet Laberget, AK 6.

#### Saksopplysningar:

Bakgrunn

Masfjorden kommune har den 23.03.2017, mottatt søknad frå Engesund Fiskeoppdrett AS, søknad om løyve til utviding av anlegg for oppdrett av matfisk av laks og aure på lokalitet Leirvika. Utvidinga gjeld frå 780 tonn til 2340 tonn MTB. Masfjorden kommune skal vurdere søknaden og legge søknaden ut på offentleg ettersyn.

## Høyring

Søknaden er lagt ut for gjennomsyn på kommunehuset, Masfjordnes, i tida 27.03 – 24.04.2017, og på heimesida [Masfjorden.kommune.no](http://Masfjorden.kommune.no)

Det er pr 18.04.2017 kome inn 3 merknadar til saka. Vedlegg til saka. Det kan kome inn fleire merknadar til søknaden, desse vil verte lagt fram i møte.

Per Kristian Teige

Pål Arnt Stuhr

Kystverket

## Fakta

Søknaden gjeld søknad om løyve til utviding av anlegg for oppdrett av matfisk av laks og aure på lokalitet 34657 , Laberget i Masfjorden kommune AK6 i Arealdelen til kommuneplanen. Engesund Fiskeoppdrett AS søker om løyve på lokaliteten Laberget til auka maksimalt tillaten biomasse i anlegget frå 780 tonn til 2340 tonn. Lokaliteten har vorte i drift sidan mars 2016. Anlegget består av eit stålanlegg med 2 stk bur med innermåla 40 x 40 m, og dei ligg på ei rekkje ut frå land. Senterpunkt for anlegget ligg ca 230 m frå land mot sørvest. Ein fôrflåte er fortøyd om lag 10 m frå anlegget sin kort ende mot nordnordaust. Noverande merdanlegg inklusiv fôrflåten er klarert for omlag 8 dekar overflate areal.

Selskapet søker no om å få klarert areal for utlegging av 4 stykk 160 meter plastringar, samt ein fôrflåte i nordraustre del av anlegget. Kartet under syner omsøkt arealendring for lokaliteten. Ny plassering og ny type produksjonseiningar medfører at det vert endringar i fortøyingsarrangementet. Samla overflate areal for anlegget vil vera omlag 45 dekar.

Det vert søkt om å auke maksimalt tillaten biomasse i anlegget frå 780 tonn til 2340 tonn. Lokaliteten er klarert for eit kommersielt akvakulturløyve, og vert i tillegg omsøkt for eit visningsløyve og eit grønt løyve gruppe C. Det grøne løyve er pr. no klarert for lokalitet Ådnekvamme i Mastfjorden. Denne lokaliteten er mellombels, og verksemda vil etablere seg med større lokalitetsbiomasse på Laberget som erstatning for lokalitet Ådnekvamme.

Samla konsekvensar ved utviding av anlegget er gjennomgått i vedlagt rapport frå Rådgivende Biologer AS.

Denne gjennomgangen sannsynleggjer at utviding av eit anlegg ved Laberget for oppdrett av laksefisk ikkje vil gje negative verknader for naturmiljøet, biomangfaldet, naturressursar og samfunnsinteresser ut over det som må pårekna som akseptabelt ved utviding av eit anlegg. Vi gjer merksam på at ny versjon av kapitelet plassering av omsøkt anlegg ligg i eige vedlegg.

## Plan

I kommuneplan for Masfjorden vedteke 31.05.2012 er omsøkt område avsett til akvakultur, og i føresegne til planen er det høve til å leggje fortøyinger og anker i fleirbruksområde utafor område sett av til akvakultur.

## Søknad frå Engesund

*Den omsøkte lokaliteten er vist på vedlagte utsnitt av sjøkart og andre kartvedlegg i rapporten til Rådgivende Biologer AS (rapport nr 2393). Anlegget legg opp til ei miljøvenleg drift, med god plass til fisken i anlegget. Ein kan og nemne at Engesund Fiskeoppdrett AS har investert i ein topp moderne lav profil fôrflåte som er kledd med kebony (for å passe betre inn i terrenget, og har ein nedkjølende effekt på fôret om sommaren). Det er eit integrert dødfisksystem i flåten, med automatisk pumping av eventuell dødfisk. På alle lokalitetar nyttar ein luseskjørt og undervassfôring på 5 m djupne. Ein har og kameraovervaking i kvar merd som vert styrt frå flåten, slik at me til ei kvar tid har full visuell kontroll på fisken. Lokaliteten Laberget er ikkje godkjent for meir enn 780 tonn MTB, og for å oppnå ei meir rasjonell og økonomisk drift er det avgjerande for oss å få auka lokalitets MTB-en også på denne lokaliteten.*

## **Vurdering**

Rådmannen viser til mottatt søknad 23.03.2017 frå Engesund Fiskeoppdrett AS, søknad om løyve til utviding av produksjon av anlegg for oppdrett av matfisk av laks og aure på lokalitet Laberget.

Ei slik endring av produksjonen kan sjølv sagt ha ei negativ belasting på resipienten i fjordbassenget. Det er likevel ei kjennsgjerning at dette fjordbassenget er stort og at det pårekneleg vil kunne tåle ei slik utviding av produksjonen som omsøkt. Behovet for meir kunnskap om resipienten vil alltid vera til stades, men ut frå rapporten til Rådgivende Biologer kan det verka som lokaliteten er eigna for meir oppdrett.

Dei ulike merknader som er kome inn viser at det er ulike synspunkt om søknaden og kva verknader utvidinga vil ha for fjordresipienten.

Rådmannen legg med dette saka fram til politisk behandling.

## **Konklusjon**

Masfjorden kommune har ingen merknad til søknaden om å auke produksjonen frå 780 tonn til 2340 tonn MTB på lokalitet Laberget, AK 6.

## Teknisk utval - 007/2017

### **TU - behandling:**

Saka vart orienter av Roald Kvingedal

### **Framlegg til vedtak frå TU:**

Masfjorden kommune ynskjer ikkje å auke produksjonen på Laberget, før det ligg føre rapport om

tilstanden for Fensfjordbassengen.

**Grunngjeving:**

For å ha eit best mogeleg kunnskapsgrunnlag i planprosessen har Masfjorden kommune har søkt om økonomisk støtte for å få gjennomført ei grundig fagleg vurdering av Fensfjorden – særleg i forhold til havbruksnæringa. Det er viktig for Masfjorden kommune å sikre ei langsiktig og berekraftig bruk/forvaltning av Fensfjorden.

Teknisk utval sitt framlegg vart vedteke med 4 røyster mot 1 røyst (H).

**TU - vedtak:**

**Masfjorden kommune ynskjer ikkje å auke produksjonen på Laberget, før det ligg føre rapport om tilstanden for Fensfjordbassengen.**

**Grunngjeving:**

For å ha eit best mogeleg kunnskapsgrunnlag i planprosessen har Masfjorden kommune har søkt om økonomisk støtte for å få gjennomført ei grundig fagleg vurdering av Fensfjorden – særleg i forhold til havbruksnæringa. Det er viktig for Masfjorden kommune å sikre ei langsiktig og berekraftig bruk/forvaltning av Fensfjorden.